

四庫全書

子部

欽定四庫全書

子部

古今事文類聚前集卷五

詳校官中書<sub>臣</sub>康綸鈞

侍讀<sub>臣</sub>孫球覆勘

總校官編修<sub>臣</sub>王燕緒

校對官中書<sub>臣</sub>陸湘

騰錄監生<sub>臣</sub>沈希曾

欽定四庫全書

古今事文類聚前集卷五

天道部

冰

宋 祝穆 撰

羣書要語積冰曰凌冰壯曰凍冰流曰澌冰解曰泮

風俗

通孟冬之月水始冰仲冬之月冰益壯季冬之月冰方

盛水澤腹堅命取冰以入月令東風解凍魚上冰月令初六

履霜堅冰至象曰履霜堅冰陰始凝也

坤卦

北方有層冰

萬里厚百丈

神異經

層冰峨峨

楚辭

大霜魚負冰

易遺卦

冰水

為之而寒於水

荀子

良匠不能琢冰

文子

胡貉之地積陰之

處木皮三寸冰厚六尺

晁錯書

凌人掌冰正歲十有二月

令斬冰三其凌

周禮

二之日鑿冰沖沖三之日納于凌陰

四之日其蚤獻羔祭韭

二日夏之十二月三日夏之正月

春始治鑑凡

內外饗之膳羞鑑焉凡酒漿之酒醴亦如之祭祀其冰

鑑

鑑如鍾大口以盛冰置食物於中以禦溫氣春而始為之酒醴見溫氣則失味周禮

狐聽冰見狐

門

詩句厚冰無裂文短日有冷光

孟郊

擔囊行採薪斧冰持

作糜

魏武帝

飛雪斷道冰成梁

柳宗元

清如玉壺冰

鮑明遠

霜

威朝折綿風力夜冰酒

山谷

古今事實

受命飲冰

葉公子高曰吾朝受命而夕飲冰

莊子問世

能夏造冰

老成子學幻於尹文先能翻校四時夏造冰

列子

書無冰

襄二十八年春無冰注時天下諸侯大夫皆執國權君不能制誅罰不行周失之舒秦失之急故周衰無寒歲秦失無燠年

書木冰

成十六年雨木冰剝歆以為上陽施不下通下陰施不上達故雨而木為之冰

滹沱冰合

光武至薊上王朗使至上發薊晨夜馳至下曲陽滹沱  
河道吏還言河水流澌無船不可渡遣王霸往視實然  
霸恐驚衆即還白冰堅可渡比至冰果可乘帝遂得渡  
河

冰山

或勸進士張彖謁楊國忠曰見之富貴可立圖彖曰君  
輩倚楊右相如泰山吾以為冰山耳若皎日既出君輩

得無失所恃乎遂隱居高山

本傳

樹介

又見死門詩話

永徽二年十一月陰霧凝凍封樹木數日不解劉向以  
為木少陽也人將有害則陰氣脅木先寒故得雨而冰  
亦謂之樹介介兵象也

本紀

海水冰

長慶元年二月海州海水冰南北二百里東南無際

本紀



玩冰筋

開元冬日雪霽寒結簷溜皆為冰條妃子使侍兒取玩  
帝晚朝回問之答曰所玩冰筋也遺事

冰山圍坐

見伏日門

冰紋成樹

景福中滄州城塹中冰有紋如畫大樹華葉芬敷時人

以其地當有兵難

長編

敲冰煮茗

逸人王休居太白山每冬取溪冰煮建茗共賓客

六帖

古今文集

古詩

明冰篇

富嘉謨

北陸蒼茫河海凝南山闌干晝夜冰素彩  
戔戔明月升  
深山窮谷不自見安知採斲備嘉薦陰房  
涸沍掩寒扇  
陽春二月朝始暎春光澹沱度千門明  
冰時出御至尊  
彤庭赫赫九儀備腰玉煌煌千官事明  
冰畢歲周在位

憶昔沙朔寒風漲崑崙長河冰始壯漫汗峻嶒積亭障  
邕邕鳴雁江上來禁苑池臺冰復開搖春涵綠映樓臺幽  
歌七月王風始明冰藏用昭物軌四時不忒千萬祺

### 木冰

老病不眠知夜寒晨興薄冰滿庭前枯榆老柳變精妍  
細梢如苗麓如椽風敲碎玉落紛然冰裏榭葉誰雕鐫  
鄰家父老呼東垣欲沽官酒囊無錢我亦強起試一觀  
樹稼不見今十年

絕句詩

長嘯巖中得冰敲食甚佳  
程伯淳

車倦人煩渴思長巖中冰片玉成方  
老仙笑我塵勞久  
乞與雲膏洗俗腸

穉子敲冰

楊廷秀

穉子金盆照曉冰  
彩絲穿取當銀鉦  
敲成玉磬穿林響  
忽作玻璃碎地聲

雨

羣書要語雨水從雲下也雨者輔也言輔時生養

釋名暴

雨謂之凍小雨謂之霰霖時雨曰澍雨三日以往為霖久

雨曰霖雨與雪雜下曰霰

爾雅

疾雨曰驟雨徐雨曰零雨

久雨曰苦雨亦曰愁霖雨水曰潦雨雲曰淦

纂要

肅時雨

若

洪範

有淦淒淒興雨祁祁

詩

月離于畢俾滂沱矣詩太

平之時雨不破塊旬而一雨雨必以夜

鹽鐵論

太平之時

五日一風十日一雨

王充論衡

雨師屏翳風伯飛廉

漢志郊祀

赤松子神農時雨師

列仙傳

玄冥雨師

風俗通

唐俚語云春

雨甲子赤地千里夏雨甲子乘船入市秋雨甲子禾頭

生耳冬雨甲子牛羊凍死

朝野僉載

皇天淫溢而秋霖兮后

土何時而得乾

楚辭

鵲鳴于垤

將陰則穴處者先知之東山詩

蟻封穴戶

大雨將至

易林

驟雨不終日

莊子

道至天者祥風起甘雨降

雨霽而陰曠者謂之甘雨

論衡

六月有大雨名濯枝雨

風土

記夏至前雨為黃梅雨沾衣服皆敗黥又埤雅云今江

湘二浙四五月間梅欲黃落則水潤土溽柱礎皆汗蒸鬱

成雨謂之梅雨故自江以南二月雨謂之迎梅五月雨

謂之送梅

同上

詩句密雨散如絲

晉張勵

炊爨不復舉竈中生蛙蝦

傅立

蒼

生憂其魚南畝多被水

荆公

白雨映寒山森森似銀竹

李白

黑雲玄甲駐鐵騎冷宮馳

后山

古今事實

河伯行雨

西海上有人乘白馬朱鬣白衣玄冠從十二童子馳馬

如飛名曰河伯使者其所至之國雨水滂沱

神異記

商羊鼓舞

齊有一足之鳥飛公朝下于殿前舒翅而跳齊便遣使訪孔子孔子曰此鳥名商羊昔童兒有屈其一足振訊兩臂而跳且謠曰天將大雨商羊鼓舞今齊有之其應至將有水為災

家語

天鳴而雨

中和二年浙西天鳴聲如轉磨無雲而雨占曰無雲而雨是謂天泣

五行志



雨寶珠

梁大同中嘗驟雨殿前往往有雜色寶珠梁武帝觀之

有喜象虞寄因上瑞雨頌云飛甘洒潤玉散珠聯

初學記作

盧昂道

古今文集

古詩

秋雨歎

杜甫

關風長雨秋紛紛四海八荒同一雲去馬來牛不復辨

濁涇清渭何當分

又

木頭生耳黍穗黑農夫田父無消息城中斗米抱衾裯  
相許寧論兩相直

又

長安布衣誰比數反鎖衡門守環堵老夫不出長蓬蒿  
穉子無憂走風雨

又

雨聲颼颼催早寒  
胡鴈翅濕高飛難  
秋來未曾見白日  
泥污后土何時乾

雨夜吟

杜甫

屋小茅乾雨聲大  
自疑身著蓑衣卧  
兼是孤舟夜泊時  
風吹折葦來相佐  
我有愁衿無可那  
纔成好夢剛驚破  
背壁寒燈不及螢  
重挑却向燈前坐

愁霖歌

李沆

西方龍兒口猶乳  
初解驅雲學行雨  
縱恣羣陰駕老虬

勺水蹄涔盡奔注

又

葉破苔黃未休滴  
膩光透長庭  
莎色恨無長劍一千仞  
割斷頑雲看晴碧

雨

韓偓

坐來蔌蔌山風急  
山雨隨風暗原隰  
樹帶繁聲出竹間  
溪將大點穿籬入  
餉婦寥翹布領寒  
牧童擁茸蓑衣濕  
此時高味共誰論  
掩鼻吟詩空佇立

久雨

王介甫

煤炰着天無寸空白沫上岸吹魚龍羲和推車出不得  
河伯欲取山為宮城門晝開眠百賈饑孫得糟夜舖翁  
老人慣事少所恠看屋箕踞歌南風

喜雨

歐陽永叔

大雨雖霧沛隔徹分晴陰小雨散浸淫為潤廣且深浸  
淫苟不止利澤何窮已無言雨大小小雨農尤喜宿麥  
已登實新禾未抽秧及時一日雨終歲飽豐穰夜響流

霖霖晨輝霽蒼涼川原淨如洗草木自生光  
童稚喜瓜芋耕夫望陂塘誰云田家苦此樂殊未央

大暑舟行含山道中雨驟至霆奔龍掛可駭

偶成古詩

范至能

隤雲憂前驅連鼓訢後殿駸駸失高丘擾擾暗古縣  
白龍起幽蟄黑霧佐神變盆傾耳雙瞶斗暗目四眩  
帆重腹逾飽檐潤鳴更健圓漪暈雨點濺滴走波面  
伶俜愁孤鴛颭閃亂饑燕麥老枕水卧秧耨與風戰  
牛蹊爰城

沈蟻隧淘瓴建水車競施行歲事敢休宴  
咿啞嘯篁鳴  
輾輓連鎖轉駢頭立婦子列舍望宗伴東枯駭西潰寸  
涸驚尺澱嗟余豈能賢與彼亦何辨扁舟風露熟半世  
江湖徧不知憂稼穡但解加飡飯遙憐老農苦敢厭游  
子倦

律詩

春夜雨

杜甫

好雨知時節當春乃發生隨風潛入夜潤物細無聲野

徑雲俱黑江船火獨明曉看紅濕處花重錦官城

雨

李嶠

西北雲膚起東南雨足來靈童出海見神女向山回斜  
影風前合圓紋水上開十旬無破塊九土信康哉

雨

杜牧

連雲接塞添迢遞洒幕侵燈送寂寥一夜不眠孤客耳  
主人牕外有芭蕉

聽雨

王建



今年思家客裏愁雨聲落屋簷頭照泥星出依然黑

淹爛庭花不肯休

姚令威叢話諺云乾星照濕土來日依舊雨

禱雨

喜雨附

羣書要語土龍致雨

淮南子

甲乙日不雨命為青龍東方

小童舞之丙丁不雨命為赤龍南方壯者舞之戊己不

雨命為黃龍中央壯者舞之庚辛不雨命為白龍西方

老人舞之壬癸不雨命為黑龍北方老人舞之如此不

雨潛處閭南門置水其外開北門取人骨埋之如此不

雨命巫祝而曝之曝之不雨神山積薪擊鼓而焚之

神農

求雨書

太平之時十日一雨凡歲三十六雨此休徵時若

之應

京房易候

鬱林郡山有池池有石牛歲旱百姓殺牛祈

雨以牛血和泥泥石牛背祠畢天雨洪注石牛背泥盡

即晴

顧微廣州記

詩句雲驅鐵騎千山合雨挽銀河一夜傾

拈樹

古今事實

湯禱桑林

湯伐桀後大旱七年煎砂鑠石太史占之曰當以人禱  
湯曰吾所為請雨者民也若必以人禱吾請自當遂齋  
戒剪髮斷爪素車白馬身嬰白茅以身為犧牲禱於桑  
林之野持三足鼎祝於山川曰政不一與民失職與宮  
室營與婦謁盛與苞苴行與讒夫昌與何不雨之極言  
未已而天大雨

### 宣王遇旱

雲漢尹吉甫美宣王也遇災而懼側身修行欲銷去之

天下喜於王化復行故作是詩也倬彼雲漢昭回於天  
王曰於乎何辜今之人天降喪亂饑饉薦臻靡神不舉  
靡愛斯牲圭璧既卒寧莫我聽旱既太甚蘊隆蟲蟲不  
殄禋祀自郊徂宮上下奠瘞靡神不宗旱既太甚滌滌  
山川旱魃為虐如惓如焚我心瘁暑憂心如熏

祠神何益

齊景公時大旱乃召羣臣而問曰天久不雨民有饑色  
寡人欲少賦斂以祠靈山可乎羣臣莫對晏子進曰此

不可祠無益也夫靈山固以石為身草為髮天久不雨  
髮將焦身將焚彼獨不欲雨乎祠之無益景公曰吾欲  
祠河伯可乎晏子曰夫河伯以水為國以魚鼈為民天  
久不雨百川將竭國民將亡矣誰獨不用雨乎祠之無  
益景公曰奈何曰避宮殿暴露與山靈河伯共其憂其  
幸而雨乎景公乃出野暴露三日天果大雨

晏子  
春秋

### 暴巫為疏

魯歲旱穆公召縣子而問曰天久不雨吾欲暴尫而奚

若曰天則不雨而暴人之疾無乃不可歟然則吾欲暴  
巫而奚若曰天則不雨而望之愚夫婦人以求之母乃  
已疏乎卒為之徙市

天旱乾封

西漢郊祀志云夏旱公孫卿曰黃帝時封則天旱乾封  
三年上乃下詔曰天旱意乾封乎其令天下尊祠靈星  
焉

積薪自焚

戴封字平仲遷西華令其年大旱禱請無獲乃積薪坐其上以自焚火起而大雨遠邇嘆服

謝承後漢書

### 方士養龍

使者甘宗所奏西域事云方士能神呪者臨泉禹步吹氣龍即浮出長十數丈更吹龍輒縮至數寸乃撿取著壺中或有四五龍以少水養之聞有旱處便賣龍往賣一龍直數十斤金發壺中出一龍著潭中復禹步吹之長十數丈須臾而雲雨四集

抱朴子

檄召五星

魏管輅字公明過清河倪太守時天旱倪問雨期輅曰  
今夕當雨樹上已有少女風樹間又有陰鳥和鳴又少  
男風起衆鳥亂翔其應至矣倪不之信輅曰十六日壬  
子畢星中已有水氣又作檄召五星宣布星符刺下東  
井告南箕使召雷公電父風伯雨師須臾風雲並興玄  
雲四合大雨河傾

登岳而夢



後周達奚武以太保為同州刺史時旱武祀華山廟岳  
既高峻人跡罕通武年逾六十攀藤而上晚不得還於  
岳上藉草而宿夢一白衣執武手曰快辛苦甚相嘉尚  
武驚覺旦而澍雨

馬上行雨

李靖微時嘗射獵山中會暮抵宿一朱門家夜半聞扣  
門甚急見一婦人謂靖曰此非人世乃龍宮也今天符  
命行雨二子皆不在欲奉煩頃刻間如何遂命黃頭被

青驄馬又命取雨器乃一小餅戒曰馬躩地嘶鳴即取餅中水一滴滴馬鬃上此一滴水乃地上三尺慎勿多也既而電掣雲間特連下三十餘滴此夜半平地水三丈

禱而必雨

唐段文昌帥荆南或旱禴解必雨或久雨出遊必霽民為語曰旱不苦禱而雨雨不愁公出遊

甕盛蛇醫

王彥威鎮汴夏旱李杞過汴因宴王以旱為言李醉曰

欲雨甚易爾可求蛇醫四頭石甕二枚每甕實以水浮  
二蛇醫以水蓋密泥之置於鬧處甕前後設席燒香選  
小兒十歲以下者十餘人執小青竹晝夜更擊其甕不  
得少輟王如言試之一日兩夜雨大注

龍吸硯水

有僧講經山寺常有一叟來聽問其姓氏曰某乃山下  
潭中龍也幸歲旱得間來此聽法僧曰公能救旱乎曰  
上帝封江湖有水不得輒用僧曰此硯中水可用乎乃

就硯吸水徑去是夕雷雨大作逮曉視之雨悉黑水

仁宗禱雨

慶厯間京師夏旱諫官王公素乞親行禱雨帝曰太史  
言月二日當雨一日欲出禱公曰臣非太史是日不雨  
帝問故公曰陛下幸其當雨以禱不誠不誠不可動天  
臣故知不雨帝曰明日禱雨醴泉觀公曰醴泉之近猶  
外朝也豈憚暑不遠出邪帝每意動則耳赤耳已盡赤  
厲聲曰當禱西太乙宮公乞傳旨帝曰車駕出郊不預

告卿不知典故公曰國初以虞非常今久太平預告使  
百姓望清光者衆耳無虞也諫官故不扈從明日特召  
王公以從日色甚熾埃霧漲天帝玉色不怡至瓊林苑  
回望西太乙宮上有雲氣如香煙以起少時雷雨至帝却  
逍遙輦御平輦徹蓋還宮明日召對帝曰朕因卿得雨  
蜥蜴求雨

熙寧中京師久旱按古法令坊巷以甕貯水插柳枝泛  
蜥蜴小兒呼曰蜥蜴蜥蜴興雲吐霧降雨滂沱放汝歸

去時蜥蜴不能盡得往往以蜴虎代之入水即死小兒  
更曰冤苦冤苦我是蜴虎似恁昏沉怎得甘雨

倦游  
雜錄

師興而雨

以下係  
喜雨

衛大旱卜有事於山川不吉甯莊子曰昔周饑克殷而  
年豐今邢無道諸侯無伯天其或者欲使衛討邢乎從  
之師興而雨

左氏  
傳

行部雨降

漢百里嵩為徐州刺史境內旱嵩行部車所經甘雨輒

降

雨隨車至

後漢鄭弘遷淮陰太守行春大旱隨車致雨

決獄而雨

袁安為楚相會楚王英事互相牽引拘繫者千餘人三年而獄不決坐掠幽而死者百餘人天用炎旱赤地千里安決獄事人人具錄其辭狀本非首謀為王所引應時理遣一旬之中延千人之命其時甘雨滂沛歲大豐

稔汝南先

賢傳

呼御史雨

唐顏真卿為監察御史使河隴時五原有冤獄久不決  
天且旱真卿辨獄而雨郡人呼御史雨

古今文集

雜著

象化

牛僧孺

象龍禱雨三月不應巫病民盜王甚愁儒有言曰王無



愁也象之誤也夫龍善化雨而時在乎天天使雨龍得  
化不使雨龍不得化聖人象龍而救民是乃象其化者  
也龍之性善學者人之心故象性莫若心而已使性非心  
可象則鴈鳩之性均而木刻鴈鳩足以象均耶獬豸之  
性觸而瑰飾獬豸冠足以象觸邪龍以性善化而龍於  
化人者衣袞則其象不以土木亦明矣湯以是龍其聰  
而深無不聞也龍其明而高無不見也言若出為靈而  
物仰之有陰智若躍乎淵而物觸之有潤天而不雨百

姓祝王為雨也雖七歲炎炎不聞有咨者而況三月哉

移雨神

司空圖

夏滿不雨民前後走神所剋羊豕而跪乞者凡三而後得請民大喜且將報祀愚獨以為惑何者天以神乳育百穀必時既豐然後民相率以勞神之勤於事而祀焉今始恡其施以愁疲民是神怠天之職也必希民之求而遂應是神玩天之權也既應而俾民輸怨於上歸惠於已神攘天之德也推怨何以為義利腥膻之饋何

以為仁怠天下之事何以為敬蔑是數者何以為神假  
曰非吾所得顓然知民之情而不時請於上是亦徒偶  
於位此愚所以惑也噫天不可終慢民不可久侮竊為  
神危之奈何

風雨對

羅隱

風雨雪霜天地之所權也山川藪澤鬼神之所伏也故  
風雨不時則歲有饑饉雪霜不時則人有疾病然後禱  
山川藪澤以致之則風雨雪霜果為鬼神所有也明矣

得非天之高不可以自理而寄之山川地之厚不可以自運而憑之鬼神苟祭祀不時則饑饉作報應不至則疾病生是鬼神用天地之權也而風雨雪霜為牛羊之本矣復何歲時為復何人民為是以大道不旁出懼其弄也大政不問下懼其偷也天欲何言

古詩

祈雨

杜牧之

東堤黑風駕海水海底卷上天中央  
錚鏦雷車轍軸壯

矯攫蛟龍爪尾長神鞭鬼御載陰帝來往噴洒何顛狂  
四方歲騰玉京仗萬里橫牙羽木槍

祈雨

蘇子瞻

長笑蛇醫一寸腹銜水吐雹何時足蒼鷺無罪亦可憐  
斬頭橫盤不敢哭豈知泉下有猪龍卧枕雷車踏陰軸  
前年太守為旱請雨點隨人如撒菽

祈雨

蘇子瞻

龍山山人信英武撫駕雷車呵電母山中歸時風色變

中路已見商羊舞  
夜牕騷騷開松竹  
朝畦泫泫流膏乳  
庶將積潤掃餘孽  
收拾豐歲還明主

律詩

郴州祈雨

韓愈

乞雨女郎魂  
魚羞潔且繁  
廟開鼃鼠叫  
神降越巫言  
旱氣期銷蕩  
陰官想駿奔  
行看五馬入  
蕭颯已隨軒

井

韓愈

居然鱗介不能容  
石眼環環水一鍾  
聞說旱時求雨澤

只疑蝌蚪是蛟龍

觀祈雨

李約

桑修無葉土生煙  
簫管迎龍水廟前  
朱門幾處看歌舞  
猶恐春陰咽管絃

雜著

以下係  
喜雨

喜雨亭記

蘇子瞻

亭以雨名志喜也古者有喜則以名物示不忘也周公  
得禾以名其書漢武得鼎以名其年叔孫勝狄以名其

子雖其喜之大小不齊其示不忘一也余至扶風之明年始治官舍為亭於堂之北而鑿池其南引流種樹以為休息之所是歲之春雨麥於岐山之陽其占為有年既而彌月不雨民方以為憂越三月乙卯乃雨甲子又雨民以為未足丁卯大雨三日乃止官吏相與慶於庭商賈相與歌於市農夫相與抃於野憂者以樂病者以愈而吾亭適成於是舉酒於亭上以屬客而告曰五日不雨可乎曰五日不雨則無麥十日不雨可乎曰十日



不雨則無禾無麥無禾歲且薦饑獄訟繁興而盜賊滋  
熾則吾與二三子雖欲優游以樂於此亭其可得耶今  
天不遺斯民始旱而賜之以雨使吾與二三子得相與  
優游而樂於此亭者皆雨之賜也其又可忘耶既以名  
亭又從而歌之曰使天而雨珠寒者不得以為襦使天  
而雨玉飢者不得以為粟一雨三日伊誰之力民曰太  
守太守不有歸之天子天子曰不然歸之造物造物不  
自以為功歸之太空太空冥冥不可得而名吾以名吾

亭

元豐行示德逢

王介甫

四山脩脩映赤日田背坳如龜兆出湖陰先生坐草室  
看踏溝車望秋實雷蟠電掣雲滔滔夜半載雨輸亭臯  
旱禾秀發埋牛尻豆死更蘇肥莢毛倒持龍骨掛屋敖  
買酒澆客追前勞三年五穀賤如水今見西成復如此  
元豐聖人與天通千秋萬歲與此同先生在野固不窮  
擊壤至老歌元豐

律詩

喜雨

韓稚圭

何假嗔雷擊怒桴默然嘉澤浹民區經時亢隔羣心駭  
數月焦熬一陣蘇已發宋苗安在握再生莊鮒不虞枯  
須臾慰滿三農望斂却神功寂似無

早

羣書要語水干土則大旱

繁露

旱之言悍也陽驕蹇所至

也

春秋考異

七八月之間旱天油然作雲沛然下雨則苗淳

然興之矣

孟子

頃者炎旱日更增甚沙磧銷鑠草木焦卷

處涼臺而有鬱蒸之煩浴寒冰而有灼爛之慘宇宙雖

廣無陰以憩

應休璉與岑文瑜書

司巫若國大旱則率巫而舞雩

周禮

南方有人長二三尺袒身而目在頂上走行如風名曰

魃所見之國大旱赤地千里一名格遇者得之投溷中

乃死旱灾消也

神異經

僭常暘若注君行僭差則常暘

順之

洪範

爍石流金

楚詞

龍見而雩

左傳

雩者為旱求也

穀梁

旱

所謂常陽不謂常陽而謂旱者以為灾也旱之為言乾

萬物傷而乾不得水也君持亢陽之節暴虐於下故旱

災應也

洪範五行傳

大旱金石流土山焦而不熟

莊子

古今事實

僖公閔雨

魯僖公夏四月不雨言不雨者閔雨也閔雨者有志乎民者也

當烹弘羊

武帝時歲小旱上令百官求雨太子太傅卜式曰今桑

弘羊令吏坐市列販物求利烹弘羊天乃雨

祭孝婦冢

東海有孝婦少寡無子養姑甚謹姑告鄰人曰孝婦養我勤苦哀其無子守寡我老久累無丁壯奈何遂自經死姑女告吏婦殺我母吏捕孝婦婦誣服郡中枯旱三年後太守至殺牛自祭孝婦冢因表墓天立大雨歲熟

繪拆屋圖

鄭俠見荆公言青苗之害不答久之得監在京安上門

會大旱自十一月至于三月河東河北陝西流民大入  
京師與城外飢民市麻粃麥麩為之糜或掘草根採木  
實以食俠上疏曰今天下憂苦質妻鬻女父子不保拆  
屋伐桑爭貨于市輸官糴米皇皇不給之狀繪為一圖  
此臣安上門日所見百不及一陛下觀臣之圖行臣之  
言十日不雨乞斬臣以正欺罔之罪

綠衣言事

朝奉郎杜球言永熙幸佛寺塔廟禱雨至天慶三館起

居因駐輦問曰天久不雨奈何或對天數或對至誠必有應一綠衣少年越次對曰刑政不修故也上領之而行歸復駐輦召綠衣者問狀對曰某所守臣犯賊法當配宰相以親則不配某所守臣犯賊不當死宰相以嫌卒死之翌日上為罷宰相天即大雨綠衣者寇萊公也

塵史

古今文集

雜著

人旱解

盛均



涖灘歲越垠曠旱塞諸陽遷市不雨祈山川庶神又不  
雨觴土龍舞巫覡愈不雨或言邦有術人能捕退龍而  
譟之昔歲嘗然農剩其澤及召術人至而旱色如故太  
守怒亟命擒之術人遁去矣其遺囊有書一幅目曰旱  
有三曰天旱國旱人旱曷為天旱蹇陽肆凶下土祇慎  
雖六七歲黎人不飢曷為國旱君道熾灾德涸仁枯貪  
風暴氣蒸為時癘曷為人旱邦燬其政吏賊其行千里  
人心燥不為陰夫天旱求諸仁仁洽而時豐國旱求諸

德德潤而澤流人旱求諸政政清而俗阜貪貨遊于上刑  
黷于下百姓焦愁結成狼暑所謂人旱也邦守不清其  
政而逮龍貨雨是猶乘桴適海豢羊望翼於何可冀乎  
太守得書增怒是歲正月不雨至五月明年殍死者數  
千人而太守亦以財禍

文粹

訟風伯

韓愈

維茲之旱兮其誰之由我知其端兮風伯是尤山升雲  
兮澤上氣雷鞭車兮電搖幟雨寢寢兮將欲墜風伯怒

兮雲不得止暘烏之仁兮念此下民悶其光兮不關其  
神嗟風伯兮其將謂何我於爾兮豈有其他求其時兮  
修祀事羊甚肥兮酒甚旨食足飽兮飲足醉風伯之怒  
兮誰使雲屏屏兮吹使醕之氣將交兮吹使離之鑠之  
使氣不得化寒之使雲不得施嗟爾風伯欲逃其罪其  
又何辭上天孔明兮有紀有綱今我上訟兮其罪誰當  
天加誅兮不可悔風伯雖死兮人誰爾傷

古詩

檢覆邾城旱田示同官及寄河南諸賢

劉貢父

昔歲歉無年今麥仍薦飢罷民去南畝賤價捐東菑籍  
籍道路間餓者何累累藜藿不充腸藹然旄與倪嗟我  
祿代耕每食為不怡徒懷仲由志身賤那得施屬城上  
民訟比牒皆苦詞奉詔實有無百聞謝一窺星言說桑  
田行與父老期觸熱不敢休重趂寧告疲郊原赤如赫  
秉穗無孑遺復藝不可分四旁生蒺藜流行誠代有

愚弱豈易欺附上亦有刑殘下罪攸司鄙夫不忍此告  
吏咸赦之庶茲咻噢恩足以蘇惛嫠大農急經費言利  
析毫釐三吾猶不足一切寧謂宜國僑敏爭承鄭邑用  
不危馮驩焚券書田氏人若歸區區二小邦兩士能若  
斯當官在必行匪石安可移諸公悉吾友此志良弗非  
當令狗路人一聽狂者詩

早謠

張文潛

十月不雨井水渾孤城烈日風颺塵楚天萬里無纖雲

旱氣塞空白晝昏土龍蜥蜴竟無神田中水車聲相聞  
努力踏車莫厭勤但憂水勢傷禾根道旁執送者何人  
稻塍爭水殺厥鄰五湖七澤水不貧正賴老龍一屈伸

蝗

羣書要語食苗曰螟食葉曰螻食根曰蝻食節曰賊四

蝗蟲名也

爾雅

蝗蝻也一名蝻一名螻

說文

蜚負螬蟲也

左傳

注去其螟螻及其蝻賊無害我田穉田祖有神秉畀炎

火

詩

蝗蟲腹下有梵字

雜俎

蝗是魚子在水中化為之

伯

咄  
云

詩句始自兩河及三輔薦食如蠶飛似魚

樂天捕蝗

遺蝗入

地應千尺

東坡雪詩

古今事實

茅茨食盡

雨蝨于宋外灾不書此何書灾甚也奈何茅茨盡也

穀梁

蝗飛入海

馬援為武陵太守郡連有蝗援賑貧羸薄賦稅蝗飛入

海化為魚鰕

東觀漢記

蝗不入境

魯恭為中牟令飛蝗避境又宋均為九江守山陽楚沛多蝗至九江輒四散

捕蝗得錢

漢平帝時蝗詔使者捕蝗人能捕蝗詣吏者以石斗受錢

太宗吞蝗



貞觀間京畿旱蝗食稼太宗在苑中掇蝗吞之曰但當食朕無害百姓是歲蝗不為患

姚崇捕蝗

開元間山東大蝗姚崇奏詩云東畀炎火此除蝗之義也乃出御史為捕蝗使分道殺蝗倪若水上言除天灾者當以德昔劉聰除蝗不克而害愈甚崇移書謂之曰聰偽主德不勝妖今妖不勝德若水懼乃縱捕得蝗十四萬石時議者喧譁崇曰討蝗縱不能盡不愈於養以

遺患乎帝然之盧懷謹曰天灾安可以人力制且殺蟲  
多必戾和氣願公思之崇曰昔楚王吞蛭而厥疾瘳叔  
敖斷蛇而福乃降今蝗幸可驅若縱之穀且盡如百姓  
何殺蟲救之禍歸於崇不以諉公也蝗害訖息

捕蝗易粟

五代晉出帝天福間募民捕蝗易以粟

備史

蝗死不賀

祥符九年飛蝗過京城上詣玉清宮靈感塔焚香祈禱

禁宮城音樂三日先是上出死蝗示大臣翼日執政有袖死蝗以進者請示於朝率百官賀王旦曰蝗出於災災弭幸也又何賀焉固不可乃止於是二府方奏事飛蝗蔽天上曰使百官方賀而蝗若此豈不為天下笑耶

飛蝗墮水

趙抃守青州時山東早有蝗自青齊及境遇風退飛墮

水而盡

言行錄

古今文集

古詩

答朱宋捕蝗詩

歐陽永叔

捕蝗之術世所非欲究此語興於誰或云豐凶歲有數  
天孽未可人力支或言蝗多不易捕驅民入野踐其畦  
因之姦吏恣貪擾戶到頭斂無一遺蝗災食苗民自苦  
吏虐民苗皆被之吾嗟此語祇知一不究其本論其皮  
驅雖不盡勝養患昔人固已決不疑秉蠹投火況舊法  
古之去惡猶如斯既多而捕誠未易其失安在常由遲

說說最說子孫衆為腹所孕多蛄蚳始生朝畝暮已頃  
化一為百無根涯口含鋒刃疾風雨毒腸不滿疑常饑  
高原下隰不知數進退整若隨金輦嗟茲羽孽物共惡  
不知造化其誰尸大凡萬事悉如此禍當早絕防其微  
蠅頭出土不急捕羽翼已就功難施只驚羣飛自天下  
不究生子由山陂官書立法空太峻吏愚畏罰反自欺  
蓋藏十不敢申一上心雖惻何由知不如寬法擇良令  
告蝗不隱捕以時今苗因捕雖踐死明歲猶免為蠛災

吾嘗捕蝗見其事較以利害曾深思官錢二十買一斗  
示以明信民爭馳斂微成衆在人力頃刻露積如京坻  
乃知孽蟲雖甚衆嫉惡苟銳無難為往時姚崇用此議  
誠哉賢相得所宜因吟君贈廣其說為我持之告採詩  
詩話

詩刺荆公

荆公罷相出鎮金陵時飛蝗自北而南江東諸郡皆有  
之百官餞荆公於城外劉貢父後至追之不及見其行

編

榻上有一書屏因書一絕以寄云青苗助役兩妨農天  
下嗷嗷怨相公惟有蝗蟲偏感德又隨台旆過江東

泊宅

### 荒歲

羣書要語一穀不升謂之歉二穀不升謂之饑三穀不  
升謂之饉四穀不升謂之荒五穀不升謂之大侵大侵  
之禮君食不兼味臺榭不塗弛候迎道不除百官修而  
不制鬼神禱而不祀

穀梁

以荒政十二聚萬民一曰散

利二曰薄征三曰緩刑四曰弛力五曰舍禁六曰去幾

七曰省禮八曰殺哀九曰蕃樂十曰多昏十一曰索鬼

神十二曰除盜賊

周禮

穀不熟為饑蔬不熟為饑果不熟

為荒仍饑為薦

爾雅

民無菜色

王制

野有餓莩

孟

振廩勸分

左敝邑易子而食析骸以爨

宣王

嗷嗷蒸人聚泣田畝

德宗

實錄

詩句民貧更勸分

山谷

古今事實



后稷濟饑

稷思天下之饑者猶己饑之

矯詔開倉

見火  
災門

歲荒禁酒

蜀大旱先主禁酒有釀具並坐之

詳見禁  
釀門

唐初無酒禁

乾元元年京師酒貴肅宗以廩食方屈乃禁京城酤酒期  
以麥熟如初二年饑復禁酤

餉錢賑饑

劉凝之傳荊州年饑衡陽王義季慮凝之餒餉錢十萬凝之大喜將錢至市門觀饑者悉分之

一尉賑饑

唐貞半千為武陽尉歲旱勸令發倉賑民令不從及令謁州半千悉發之下賴以濟太守怒囚于獄會薛元超持節渡河讓太守曰君有民不能恤使惠出一尉尚何罪釋之

賑濟鄉里

唐張萬福為泗州刺史魏州饑父子相食萬福曰魏州  
吾鄉里安忍其困令兄子將米百車饒之

趙公賑饑

熙寧九年夏吳越大旱知越州趙公拊前民之未飢為  
書問屬縣所被災者二萬一千九百餘人公斂富人  
所輸及僧道食之羨者得粟四萬八千餘石又為之出官  
粟得五萬二千餘石或給或糴又僦民完城四千一百

丈

南豐作  
救災記

范公賑饑

景祐二年吳中大饑范仲淹鎮浙西發粟募民給餉為  
術甚備監司奏劾公於杭州不恤荒公乃自為條叙所  
以宴游及興造皆欲以有餘之財以惠貧者貿易飲食  
工技服力之人仰食於公私者日無慮萬數荒政之施  
莫此為大

筆談

蘇公賑饑

杭州大旱蘇軾請于朝免本路上供米三之一故米不

翔貴復得賜度牒百易米以救饑者又立病坊作饘粥藥劑遣吏挾醫分坊治病活者甚衆

不增米價

趙清獻知越州兩浙旱蝗米價踊貴餓死者十五六諸州皆榜衢路立賞禁人增米價公獨榜衢路令有米者任增價糴之於是諸州米商輻輳詣越米價更賤民無

饑死者

記間

區處流民

富公弼知鄆州自鄆移青會河朔大水民流京東擇所  
部豐稔者三州勸民出粟得十五萬斛益以官廩隨所  
在貯之得公私廬舍千餘萬間散處其人以便薪水山  
林河渡之利有可取以為生者聽流民取之其主不得  
禁凡活五十萬人募而為兵者又萬餘人上聞之即拜  
禮部侍郎公曰救災守臣職也辭不受前此救災者皆  
聚民城郭中煮粥食之聚為疾疫或待次數日不食得  
粥皆僵仆名為救之而實殺之自公立法簡便天下傳

以為法

神道碑

為糜賑饑

陳文惠公堯佐知壽州遭歲大饑公自出米為糜以食  
餓者吏民以公故皆爭出米其活數萬人公曰吾豈以  
是私惠耶蓋以令率人不若身先而使其從之樂也

神道碑

特寬鹽禁

張忠定公詠知杭州是時歲饑民冒禁販鹽捕獲者數

百人公悉寬其罰官屬執言不可公曰錢唐十萬家餓殍如此若鹽禁益嚴則聚而為盜患益甚矣俟秋成取爾當痛以法繩之境內卒以無擾

新米互易

吳遵路明道末天下旱蝗遵路知通州乘民未饑募富者得錢幾萬貫分遣衙校航海糴米於蘇秀使物價不增又使民採薪芻官為收買以為直糴官米至冬大雪取以元價易薪芻與民官不傷財民且蒙利



不俟奏請

范公堯夫知慶州餓殍滿路官無穀以賑恤公欲發常平封樁粟麥濟之州郡皆欲俟奏請得旨而後散公曰人七日不食即死何可待報諸公但勿預吾寧獨坐罪

夢黃承事

張忠定公詠在成都府嘗夜夢謁紫府真君接語未久吏忽報請到西門黃兼濟承事以幅巾道服而趨真君降階接之禮頗隆盡且揖張公坐承事之下詢顧詳款

似有欽嘆之意公翌日即遣典客詣西門請黃承事者  
戒令具常所衣服來比至果如夢中所見公即以所夢  
告之問平日有何陰德蒙真君厚遇如此且居某之上  
座耶兼濟云無他長惟每歲遇禾麥熟時以錢三萬緡  
收糴至明年禾麥未熟小民艱食之際價直不增升斗  
亦無高下在我者初無所損而小民得濟所急公曰此  
承事所以坐某之上也令索公裳二吏掖之使端受四  
拜黃公後裔蕃衍至今在仕路者比比青紫

賑饑無術

王荊公叅政方得君銳意於政事多不待奏者淮浙大饑人相食朝堂督安撫監司賑濟李溥為發運使移檄郡縣以厚朴炒豆為屑開饑民胃口多造紙襖以衣貧民榜勸諭富民施錢以種福田或謂曰東南之民胃口既開又得紙襖為衣兼得福田居之不須慮也監司大慙臺章聞上盡行降黜

建社倉

乾道間朱文公作社倉於建使貧民歲以中夏受粟於倉冬則加息什二以償歲小不收則弛其息之半大侵則盡弛之期以數年子什其母則惠足以廣而息遂捐以予民行之累年人以為便

賑濟下令

或言辛幼安帥湖南賑濟榜文祇用八字曰劫禾者斬閉糴者配先生曰這便見他有才此八字做兩榜便亂道又曰要之只是粗法

古今文集

雜著

辭免賑濟有勞進職直秘閣劄子

朱元晦

右某準九月五日尚書省劄子備坐某前狀所乞寢罷  
新除直秘閣恩命事奉聖旨不許辭免者某仰戴聖恩  
不勝感激雖未敢即日祇受謹已望闕稱謝訖但某狀  
內所稱某雖至愚於此有不能安者正為南康軍保明

勸諭到稅戶張世亨獻米五千石賑濟依格合補承節  
郎進士張邦獻獻米五千石賑濟依格合補迪功郎待  
補國學生黃澄獻米五千石賑濟依格合補迪功郎稅  
戶劉師興獻米四千石賑濟依格合補承信郎一節未  
蒙戶部依格放行恩賞乞賜敷奏施行今來所準省劄  
內却刪去此項事理某竊恐區區愚昧迫切之誠未得  
仰聞天聽其合推賞各人依舊未得霑被聖恩則某於  
義亦難祇受又況目今諸路水旱廣濶公家所積已經

發散所餘無幾全賴富民獻米賑恤若見朝廷施行如此誰肯應募助國救民兼某見蒙改除提舉浙東常平公事當此凶歲專以救荒為職若此所乞依格推賞不蒙施行不惟食言於南康舊治亦無面目可見浙東之民將來必致誤事上貽仁聖宵旰之憂某雖萬死不足塞責欲望朝廷詳酌特賜敷奏詳某前狀所陳將南康所奏稅戶張世亨等各與照應元格早賜補授文武官資則上件恩命不必加於某身而聖朝綜覈之政修於

上遠近觀聽有所激勸于下矣謹再具狀申尚書省伏  
候指揮

古詩

採菟莛

鄭毅夫

朝攜一筐出暮攜一筐歸十指欲流血且急眼前饑官  
倉豈無粟粒粒藏珠璣一粒不出倉倉中羣鼠肥


糴官粟有感

張文潛

持錢糴官粟日夕擁公門官價雖不高官倉常苦貧兼



并閉困廩一粒不肯分伺待官粟空騰價邀吾民坐視  
既不可禁之亦紛紜擾擾田畝中鼓腹才幾人我欲究  
其原宏濶未易陳哀哉天地間生民常苦辛



古今事文類聚前集卷五

欽定四庫全書

子部

古今事文類聚前集卷六  
七

詳校官中書臣康綸鈞

侍讀臣孫球覆勘

總校官編修臣王燕緒

校對官中書臣陸湘

謄錄監生臣沈希曾

欽定四庫全書

古今事文類聚前集卷六

宋 祝穆 撰

天時部

春

羣書要語春為青陽萬物發生

爾雅

少陽者東方東動也

陽氣動物於時為春春蠢也物蠢生迺動運故為規

前律

志

東方之神太皞乘震執規司春

魏相傳

立春後十五日

斗指寅為雨水十五日指甲為驚蟄後十五日指乙為

清明後十五日指辰為穀雨

周天玉  
衡六問

春日載陽有鳴倉

庚詩

詩句陽春布德澤萬物生光輝

顏延年

春色滿皇州結軫

青郊路

選

向陽花木易為春

薛鱗

古今事實

春省耕

春省耕而補不足夏諺曰吾王不遊吾何以休

春和議貸

前文帝詔曰方春和時草木羣生之物皆有以自樂而吾百姓或沾於死亡其議所以賑貸之

剪綵為花

隋煬帝築西苑宮木秋冬彫落乃剪綵為花葉綴於條常若陽春

宣詔花發

天授二年臘則天宣詔曰明朝遊上苑火急報春知花

須連夜發莫待曉風吹凌晨名花皆發

卓異記

羯鼓催花

明皇時春景明媚帝曰對此豈可不與他判斷命取羯鼓自製曲名春光好回顧柳杏皆發笑曰此事不喚我

作天公可乎

羯鼓錄

探春闢花

長安士女春時闢花以奇多者為勝皆以千金市名花植於庭中正月半乘車跨馬適郊野中為探春之宴

天寶遺事

以帳蔽花

穆宗宮中花開以重頂帳蒙蔽置惜春御史之號曰括春

號移春檻

楊國忠子弟春時移名花植木檻中下設輪脚挽以綵

絙所至自隨號移春檻

開元遺事

草青為春

突厥不知年歷唯以草青為記



油幕春遊

長安貴遊子弟每至春時遊宴供帳於園囿中隨行載  
以油幕或遇陰雨以幕覆之盡歡而歸

天寶遺事

古今文集

雜著

春夜宴桃李園序

李白

夫天地者萬物之逆旅光陰者百代之過客而浮生若  
夢為歡幾何古人秉燭夜遊良有以也況陽春召我以

煙景大塊假我以文章會桃李之芳園序天倫之樂事  
羣季俊秀皆為惠連吾人詠歌獨慚康樂幽賞未已高  
談轉清開瓊筵以坐花飛羽觴而醉月不有佳作何伸  
雅懷如詩不成罰依金谷酒數

古詩

春寒效李長吉體

歐陽永叔

東風吹雲海天黑饑龍凍雲雨不滴噴雷隱隱愁煙白  
宿露無光瑤草寂東皇染花滿春國天為花迷惜春色

呼雲鏤月恐紅蕩幾日春陰養花魄悠悠遠絮繁空擲  
愁思纖春挽不得高樓去天無幾尺遠岫參差亂屏碧

江南春

寇平仲

波渺渺柳依依孤村芳艸遠斜日杏花飛江南春盡離  
腸斷蘋滿汀洲人未歸

律詩

染雲

王介甫

染雲為柳葉剪水作梨花不是春風巧何緣有歲華

早春作

杜甫

力疾坐清曉來詩悲早春轉添愁伴客更覺老隨人紅  
入桃花嫩青歸柳葉新望鄉應未已四海尚風塵

春宮怨

杜荀鶴

早被嬋娟誤欲粧臨鏡慵承恩不在貌教妾若為容風  
暖鳥聲碎日高花影重年年越溪女相憶採芙蓉

春山月夜

于良史

春山多勝事賞翫夜忘歸掬水月在手弄花香滿衣興

來無遠近欲去惜芳菲南望鳴鐘處樓臺深翠微

春日登樓懷歸

寇平仲

高樓聊引望杳杳一川平野水無人渡孤舟盡日橫荒  
村生斷靄古寺語流鶯花木遙清渭沉思忽有驚

賞春

羅鄴

芳草和煙暖更青侯門要路一時生年年點檢人間事  
惟有東風不順情

春

高蟾

明月斷魂清靄靄綠無歸思路迢迢人生莫遣頭如雪  
縱有春風亦不銷

春晝偶書

寇平仲

白晝偶成芳艸夢起來幽興有新詩風簾不動黃鸝語  
坐見庭花日影移

夜直

王介甫

金爐香燼漏聲殘剪剪輕風陣陣寒春色惱人眠不得  
月移花影上闌干

春風

王介甫

春風過柳綠如縑  
晴日蒸紅出小桃  
池暖水香魚沒處  
一環清浪湧亭臯

春日

蘇子瞻

鳴鳩乳燕寂無聲  
日射西牕潑眼明  
午醉醒來無一事  
只將春睡賞春晴

偶成

程伯淳

雲淡風輕近午天  
傍花隨柳過前川  
時人不識予心樂

將謂偷閒學少年

春日

方干

年去年來似有期日高添睡是春時  
雖將細雨催蘆笋却用東風染柳絲  
重霧已應吞海色輕霜猶自挫花枝  
此時野客因花醉醉卧花間應不知

郊行即事

程伯淳

芳原綠野恣行時春入遙山碧四圍興  
逐亂紅穿柳陌困臨流水坐苔磯  
莫辭盞酒十分勸只恐風花一片飛



況是清明好天氣不妨游衍莫忘歸

正月

羣書要語孟春之月日在營室昏參中旦尾中其日甲  
乙其帝太皞其神勾芒律中太簇東風解凍蟄蟲始振  
魚上冰獺祭魚鴻鴈來是月也以立春盛德在木命相  
布德和令行慶施惠天子乃以元日祈穀于上帝天氣  
下降地氣上騰天地和同草木萌動王命布農事善相  
土地所宜五穀所殖以教導民命樂正入學習舞禁止

伐木毋覆巢毋殺孩蟲胎夭飛鳥毋麇毋卵月攝提正

于孟陬楚辭正月為端月寶典正月為孟陽纂要招搖東指魏

季明書斗柄東指天下皆春鵠冠孟春之月惟歲權輿和

風初暢有穆其舒魏文帝登樓賦獻歲發春兮汨吾南征獻進也楚

辭三微月令陽氣始施萬物始動白虎通

古今事實

### 探春宴

都人士女正月半乘車跨馬郊野中為探春之宴天寶遺事

繫煎餅

江東俗號正月二十日為天穿以紅縷繫煎餅餌置屋

上謂之補天穿

拾遺記

古今文集

正月樂辭

李賀

上樓迎春新春歸暗黃着柳宮漏遲薄薄淡靄弄野姿  
寒綠幽風生短絲錦床曉卧玉肌冷露臉未開對朝暝  
官街柳帶不堪折早晚菖蒲勝綰結

# 立春

羣書要語先立春三日太史謁之天子曰某日立春盛德在木天子必親帥三公九卿諸侯大夫以迎春於東

郊月令立春之日迎春於東郊車旗服飾皆青歌青陽舞

雲翹之舞

後祭祀志

## 古今事實

### 葭飛灰

立春之日以葭莩灰實律之端氣至則灰飛續漢書

出土牛

月令季冬之月出土牛以送寒氣

出猶作也丑為土牛可牽止送猶畢也

季冬出土牛以示農耕之早晚

刪定月令

立春前五日並造土

牛耕夫犂具於大門之外是日黎明有司為壇以祭先

農官吏各具綵仗環擊牛者三所以示勸耕之意

夢華錄

下寬大書

後漢立春之日下寬大之書

禮儀志

春幡綵勝

後漢立春之日立春幡

禮儀志

唐制立春賜三省官綵勝

各有差

文昌雜錄

### 芒兒上廳

太平興國二年冬縣司以春牛呈知府就午門外安排  
薦以香燈酒果其芒兒素之頗精同判王洗馬晦伯慮  
有損闕移寘廳上知府程給事見之謂同判曰某雖不  
才忝為刺史且芒兒者耕墾之人不應上廳將來恐村  
夫輩或有不揆耳至甲午果有順賊之變

成都記

古今文集

律詩

立春

曹松

春日一杯酒便吟春日詩  
木梢寒未覺地脈暖先知  
鳥轉星沉後山分雪薄時  
寧無剪花手贈與最芳枝

玉燭傳佳節陽和應此辰  
土牛呈歲稔綠燕表年春  
臘盡星回次寒餘月建寅  
梅花將柳色偏思越鄉人

立春

杜甫

春日春盤細生菜忽憶兩京梅發時盤出高門行白玉  
菜傳纖手送青絲巫峽寒江那對眼杜陵遠客不勝悲  
此身未知歸定處呼兒覓紙一題詩

古詩

郡中送春盤

楊廷秀

餅如繭紙不可風菜如縹茸劣可縫韭芽捲黃苣舒紫  
蘆菹削冰寒脫齒卧沙壓玉割紅香部署五珍訪詩腸  
野人未見新曆日忽得春盤還太息新年五十奈老何



霜鬢有鏡幾許多麴生嗔人不解事且為春盤作春醉  
詩話

食生菜

東晉李鄂立春日命以蘆菹芹芽為菜盤相饋賂

撫唐遺

立春日春餅生菜號春盤

四時寶鏡

齊人月令立春日食生

菜取迎新之意坡詩漸覺東風料峭寒青蒿黃韭試春盤又云蓼茸蒿笋試春盤

賜春花

唐景龍四年正月八日立春上令侍臣迎春內出綵花  
樹人賜一枝令學士賦詩宋之問云今年春色好應為  
剪刀催

戴春燕

立春日悉剪綵為燕以戴之王沂公春帖子云綵燕迎  
春入鬢飛輕寒未放縷金衣歐陽公云共喜釵頭燕已  
來鄭毅夫云漢殿鬪簪雙綵燕併知春色上釵頭

荆楚  
歲時

記

帖子口占

溫成皇后初薨會立春進帖子是時歐陽修王珣同在  
翰苑以其虛閣故不進俄有旨令進王珣遽口占一首  
云昔聞海上有仙山烟鎖樓臺日月閒花下玉容長不  
老只應春色勝人間歐公嘆其敏麗

隱居  
詩話

帖子規諫

翰林書待詔請春詞以立春日剪貼於禁中門帳皇帝  
閣六篇其一曰漠然天造與時新根著浮流一氣均萬

物不須雕刻巧正如恭己布深仁皇后閣五篇其一曰  
春衣不用蕙蘭薰領緣無煩刺繡紋曾在蠶宮親織就  
方知縷縷盡辛勤夫人閣四篇其一曰聖主終朝親萬  
幾燕居專事養希夷千門永晝春岑寂不用車前挿竹

枝

溫公  
日錄

### 貼宜春字

立春日貼宜春字于門王沂公皇帝閣立春帖子云北  
陸凝陰盡千門淑氣新年年金殿裏寶字貼宜春

荆楚  
歲時

記

金銀幡勝

立春日自郎官御史寺監長貳以上皆賜春幡勝以羅  
為之宰執親王近臣皆賜金銀幡勝入賀訖戴歸私第  
周美成春帖子云鸞輅青旂殿閣寬祠官奠璧下春壇  
曉開魚鑰朝衣集綵勝飄揚百辟冠

夢華錄

五辛盤

安定郡王立春日作五辛盤以黃柑釀酒謂之洞庭春

色坡詩云辛盤得青韭臘酒是黃柑

燕言

元日

附元會

羣書要語正月上日注朔日也

書

夏以半明為朔殷以

雞鳴為朔周以夜半為朔故云三朔

書大傳

正月為端月

其一日為上日亦云三元歲之元時之元月之元

玉燭寶典

鮑宣傳云三始如淳注正月一日為歲之朝月之朝日

之朝

詩句三杯藍尾酒一櫟膠牙餠

樂天元日對酒藍尾事詳見飲酒門

古今事實

爆竹驚鬼

西方深山中有人長尺餘犯人則病寒熱名曰山臊人

以竹著火中煇爍有聲而山臊驚憚神異經爆竹燃艸起

於庭燎荆楚歲時記

飲椒柏酒

正月一日是謂正日潔祀祖禰進酒降神畢乃室家尊卑大小以次列于先祖之前子婦曾孫各上椒酒于家

長

崔寔月令

元日進椒柏酒椒是玉衡星精服之令人身輕

能走柏是仙藥進酒次第以年少者為先

同上

### 飲屠蘇酒

元日服桃湯進數于散蓋桃者五行之精厭邪氣制百

鬼今人又進屠蘇酒膠牙餠

荆楚歲時記

### 桃符畫神

東海度朔山有大桃樹蟠屈三千里其卑枝向東北曰  
鬼門萬鬼出入也有二神一曰神荼一曰鬱壘主閱領



衆鬼之出入者執以飼虎於是黃帝法而象之因立桃板於門戶上畫神荼鬱壘以禦凶鬼此則桃板之制也蓋其起自黃帝故今世畫神像於板上猶於其下書左神荼右鬱壘以元日置之門戶也

山海經

黃帝上古之時

有神荼鬱壘兄弟二人性能執鬼於度朔山桃樹下簡閱百鬼之無道者縛以韋索執以飼虎張平子東都賦云守以鬱壘神荼副焉

風俗通

蘇秦說孟嘗君曰土偶人

語桃梗音梗曰今子東國之桃木削子為人假以丹彩用

子以當門戶之厲

戰國策

畫雞貼戶

正月一日貼畫雞戶上懸葦索於其上插符于旁百鬼

畏之

荆楚歲時記

舊時歲朔常設葦茭桃梗磔雞于宮及百

寺門以禳惡氣

沈約宋書

獻鳩放生

邯鄲之民以正月旦獻鳩於簡子簡子大悅厚賞之客  
問其故簡子曰正旦放生示有恩也客曰民知君之欲

放之故競捕之死者衆矣君如欲生之不若禁民勿捕捕而放之恩不相補矣

列子

夢鍾馗

明皇開元講武驪山翠華還宮上不悅因疴疾作晝夢一小鬼衣絳犢鼻跣一足履一足腰懸一履搢一筠扇盜太真繡香囊及上玉笛繞殿奔戲上前上叱問之小鬼奏曰臣乃虛耗也上曰未聞虛耗之名小鬼奏曰虛者望空虛中盜人物如戲耗即耗人家喜事成憂上怒

欲呼武士俄見一大鬼頂破帽衣藍袍繫角帶鞞朝靴  
徑捉小鬼先剗其目然後擘而啖之上問大者爾何人  
也奏曰臣終南山進士鍾馗也因武德中應舉不捷羞  
歸故里觸殿階而死是時奉旨賜綠袍以葬之感恩發  
誓與我王除天下虛耗妖孽之事言訖夢覺疔疾頓瘳  
乃詔畫工吳道子曰試與朕如夢圖之道子奉旨恍若  
有睹立筆成圖進呈上視久之撫几曰是卿與朕同夢

耳賜以百金

唐逸史

畫鍾馗

昔吳道子所畫一鍾馗衣藍衫鞞一足眇一目腰一笏巾裏而蓬髮垂鬚左手捉一鬼以右手第二指挽鬼眼睛筆蹟遒勁實有唐之神妙有得之者以獻僞蜀主甚愛重之常懸于內寢一日召黃筌令看之筌一見稱其精妙謝恩訖昶謂曰此鍾馗若拇指掐鬼眼睛則更有力量試為我改之筌曰吳道子所畫鍾馗一身之力氣色眼貌俱在第二指不在拇指所以不敢輒改筌今別畫

雖不及古人一身之力意思併在拇指昶賞鑒之能賜

以綵段銀器

野人閒話

除貧鬼

高陽氏子好衣敝食糜正月晦日巷死世作糜棄破衣

是日祝於巷曰除貧鬼韓文公送窮文亦云正月乙丑

晦主人使奴星結柳作車縛草為船載糗與糧三揖窮

鬼而告之

唐四時寶鑑

令如願

有商人過清湖見清湖君君問所須有人教云但乞如願君許之果得一婢如願即其名也商有所求悉能致之後因正旦如願晚起商人撻之走入糞壤中不見今人正旦以細繩繫偶人投糞掃中云令如願

歲時記

漢始元會

以下條元會

漢高帝十月定秦遂為歲首七年長樂宮成制羣臣朝賀儀武帝改用夏正亦在建寅之朔則元日慶賀始於

高祖也

通典

魚龍之戲

見倡優門

辭病不朝

正月旦百官朝賀光祿勳劉嘉廷尉趙世各辭病不能

朝高陽奏不敬請廷尉治嘉罪河南尹治世罪

漢儀

戴憑重席

見席門

噉酒救火

見火災門

酌白獸尊

魏武帝用漢儀元旦百官上壽設白獸尊於殿庭能獻



直言者則發此尊飲酒案禮白獸尊乃北齊之遺式也  
上施白獸蓋後代所為示忌憚也

古今文集

雜著

椒花頌

劉臻妻陳氏

璇穹週迴三朔肇建青陽散輝澄景載渙美哉靈花爰  
採爰獻聖容映之永壽於萬

歲旦飲酒

洪景廬

今人元日飲屠蘇酒自小者起相傳已久然固有來處  
後漢李膺杜密以黨人同繫獄值元日於獄中飲酒曰  
正旦從小起時鏡新書董勛云正旦飲酒先飲小者何  
也勛曰俗以小者得歲故先飲酒賀之老者失時故後  
飲酒初學記載四民月令云正旦進酒次第當從小起  
以年小者起先唐劉夢得白樂天元日舉酒賦詩劉云  
與君同甲子歲酒讓先杯白云與君同甲子歲酒合誰  
先白又有歲假內命酒一篇云歲酒先拈辭不得被君

推作少年人顧況云不覺老將春共至更悲攜手幾人  
全還丹寂寞羞明鏡手把屠蘇讓少年裴夷直云自知  
年幾偏應少先把屠蘇不讓春倘更數年逢此日還應  
惆悵羨他人成文幹云戴星先捧祝堯觴鏡裏堪驚兩  
鬢霜好是燈前偷失笑屠蘇應不得先嘗方干云纔酌  
屠蘇定年齒坐中皆笑鬢毛斑然則尚矣東坡亦云但  
把窮愁博長健不辭最後飲屠蘇其義亦然

容齋  
隨筆

京師舊俗

京師正月一日節開封府闕撲三日士庶自早互相慶  
賀若正旦大朝會車駕坐大慶殿有介冑長大四人立  
于殿角謂之鎮殿將軍殿庭立朝賀儀仗百官皆冠冕  
朝服諸路舉人解首亦士服立班其服二梁冠白袍青  
緣諸州進奏吏各執方物入獻諸國使人大遼大使頂  
金冠後簷尖長如大蓮葉服窄紫袍金蹠蹻副使展裹  
金帶如漢服大使拜則立左足跪右足以兩手着右肩  
為一拜副使拜以漢儀夏國使副高麗南蕃交州使人

並如漢儀回紇于闐三佛齋又有南蠻五姓番真臘大理大石等國有時來朝賀其大遼使人在南都亭驛夏國在都亭西驛高麗在梁門外安州館同文館回紇于闐在禮賓院諸蕃國在瞻雲館或懷邊驛惟大遼高麗就館賜宴大遼使人朝見訖翌日詣大相國寺燒香次日詣南御苑射弓朝廷旋選能射武臣伴射就彼賜宴三節人皆預焉先列報箭班十餘於垛子前使人多用弩子射一裹無腳小幪頭錦襖子遼人踏開弩子舞旋

搭箭過與使人彼窺得端正止令使人發牙宋朝伴射  
用弓箭中的賜開裝銀鞍馬衣着金銀器物有差伴射  
得捷京師市井兒遮路爭獻口號觀者如堵翌日人使  
朝辭朝退內前燈山已上綵其速如神

夢華錄

律詩

正旦蒙趙王賚酒

庾信

正朝辟惡酒新年長命杯柏葉隨銘至椒花逐頌來

奉和元日詩

蕭慤

帝宮通夕燎天門拂曙開瑞雲生寶鼎榮光上露臺華  
山不彫葉宜城萬壽杯遙見飛鳧下懸知葉縣來

元日

王介甫

四時纂要屠蘇孫思邈庵名一云屠割也  
蘇腐也

爆竹聲中一歲除春風送暖入屠蘇千門萬戶曈曈日  
總把新桃換舊符

元日明日立春

蘇子瞻

堆盤紅縷細茵陳巧與椒花兩闌新竹馬異時寧信老  
土牛明日莫辭春

次曾仲錫元日見寄

蘇子瞻

蕭索東風兩鬢華年年幡勝剪宮花愁聞塞曲吹蘆管  
喜見春盤得蓼芽

詩話

火城

元日冬至立仗百官皆備宰相方至珂傘列燭至五六



百炬謂之火城宰相火城將至則衆皆滅燭避之坡詩

萬人爭看火城還

國史補

賜幡勝

董勛問禮俗正月一日造華勝相遺夢華錄元日賜銀幡坡詩朝回兩袖天香滿頭上銀幡笑阿咸

雜著

係元會

東都賦

班固

春王三朝會同漢京是日也天子受四海之圖籍膺萬國

之貢珍乃盛德興樂供帳置乎雲龍之庭陳百僚而贊  
羣后究皇儀而展帝容於是庭實千品旨酒萬鍾列金  
罍班玉觴嘉珍御太牢享爾乃食舉雍徹太師奏樂陳  
金石布絲竹鐘鼓鏗鉤管絃燄煜抗五聲極六律歌九  
功舞八佾僭休音禁堯離四夷罔不俱集萬樂備百禮暨  
皇歡決羣臣醉降氤氲調元氣然後撞鐘告罷百僚遂退

古詩係元會

和吳冲卿元會

梅聖俞

千官車馬閭闔來。晝漏始上閭闔開。我我左右昇龍進。  
昨夜雪飛雲作堆。殿前冠劍魚龍立。東風入仗旗脚迴。  
黃鐘一奏寶扇掩。玳簾捲起香霧排。鳴笳未盡霹靂響。  
翠輦已退黃金階。聖人端冕御法座。大樂旋作聲和諧。  
羣公抃蹈丹墀下。尚書奏瑞四夷懷。乘輿却入更衣閣。  
通天絳袍陞玉榻。百拜稱觴萬歲聞。兩廊賜食簪裾匝。  
曲傳大定舞綴疎。波旋煙斂飾宮車。衛官解嚴名士退。  
日光停午氣象舒。吳君才筆天下傑。歸來作詩傳石渠。

石渠秘邃無凡愚石渠酬唱皆嚴徐我慙短學復在後  
收余掇棄聊以書

元日早朝呈同省諸公

盧綸

萬戟凌霜布森森瑞氣間垂衣當曉日上壽對南山濟  
濟延多士蹕蹕舞百蠻小臣無事諫空愧伴鳴環

元日朝迴中夜書情寄南宮二故人

盧綸

鳴珮隨鵷鷺登階見冕旒無能裨聖代何事別滄洲閒

夜貧還醉浮名老漸羞鳳城春欲晚郎吏憶同遊

和耿拾遺元日觀早朝  
司空曙

元日爭朝闕奔流若會溟路塵和薄霧騎火接低星門  
響雙魚鑰車喧百子鈴冕旒當翠殿幢戟滿彤庭積歲  
方編瑞乘春即省刑太官陳禹玉司厯貢堯莫壽酒三  
觴退簫韶九奏傳太陽開物象霈澤及生靈南陌高山  
碧東方遠氣青自憐揚子賤歸草太玄經

元日觀郭將軍早朝  
釋靈澈

欲曙九衢人更多千條香燭照星河今朝始見金吾貴  
車馬縱橫避玉珂

和庫部盧四兄曹長元日朝回

韓愈

天仗宵嚴建羽旄春雲送色曉雞號金爐香動螭頭暗  
玉珮聲來雉尾高戎服上趨承北極儒冠列侍映東曹  
太平時節身難遇郎署何須嘆二毛

人日

羣書要語一日為雞二日為狗三日為猪四日為羊五

日為牛六日為馬七日為人

董勛問  
禮俗

詩句鏤金作勝傳荆俗剪綵為人起晉風

李商  
隱

古今事實

梅花粧

武帝女壽陽公主人日臥於含章簷下梅花落額上成  
五出之花後人效之為梅花粧

造綵勝

劉臻妻陳氏人日上人勝於人或剪綵或鏤金薄為之

歲時記

七種菜羹

人日採七種菜作羹

歲時記

人日朝謁

鄭公嘗出行以正月七日謁見太宗勞之曰今日卿至

可謂人日

劉餗傳

貼人於帳



古人以正旦畫雞于門七日貼人於帳杜公瞻注歲時記云餘日不刻牛羊狗猪馬之象而二日獨施人雞此則未喻予以意度之正旦畫雞于門謹始也七日貼人

於帳重人云

藝苑  
雌黃

古今文集

古詩

人日城南登高

韓愈

初正候纔兆涉七氣已弄靄靄野浮陽暉暉水波凍盤

蔬冬春雜尊酒清濁共

人日寄杜二

高適

人日題詩寄草堂遙憐故人思故鄉柳條弄色不忍見  
梅花滿地應斷腸身在遠藩無所預心懷百憂復千慮  
今年人日空相憶明年此日知何處一臥東山三十春  
豈知書劍與風塵龍鍾還忝二千石愧爾東西南北人  
律詩

人日

薛道衡

入春纔七日離家已二年人歸落鴈後思發在花前

人日

杜甫

元日到人日未有不陰時冰雪鴛鴦難至春寒花較遲雲  
隨白水落風振紫山悲蓬鬢稀疏久無勞比素絲

人日

杜甫

此日此時人共得一談一笑俗相看樽前柏葉休隨酒  
勝裏金花巧耐寒佩劍衝星聊暫拔匣琴流水自須彈  
早春重引江湖興直道無憂行路難

人日立春

侯彭老

朝來煮菜往鞭牛已覺江邊雪意休  
習習東風收雨脚  
暄暄曉日綻雲頭  
尊前未放梅花老  
鬢上先看柳帶柔  
及取春花時一醉  
莫教沉瘦更清秋

詩話

人日多陰

都人劉克窮該典籍嘗與客論云元日到人日未有不  
陰時人知其一未知其二四百年惟子美與克會耳起

就架取書示客曰此東方朔占書也歲後八日一日為  
雞二日為犬三日為豕四日為羊五日為牛六日為馬  
七日為人八日為穀其日晴主所生之物育陰則災少  
陵意謂天寶亂離四方雲擾幅裂人物歲歲俱災豈春  
秋書王正月意邪深得古人用心

西清  
詩話

古今事文類聚前集卷六